

1. Oinarrien xedea. Oinarri hauen xedea da Bortziritan Bai Euskarari Ziurtagiria duten eragileei dirulaguntza emateko modua arautzea.

2. Dirulaguntzaren baldintzak. Bortziritan 2023. urtean Bai Euskarari Ziurtagiria eskuratu edo berritu duten eragileei zuzenduak dirulaguntza hauek. Dirulaguntza jasotzeko beharrezkoa da eragile eskatzaileek Bai Euskarari Elkarteari urteko faktura ordaindu izatea.

3. Eskabideak aurkezteko epea. Eskabideak aurkezteko epea 2023ko urriaren 31ra artekoa izanen da.

4. Aurkeztu beharreko dokumentazioa. Deialdi honetako laguntza eskuratzeko interesatuek eskaera egin behar dute, eranskinean azaltzen den eredia erabiliz. Eskaera orriarekin batera dokumentu hauek aurkeztu behar dituzte:

- IFKaren fotokopia.
- Bai Euskarari elkarteari 2023an ordaindutako fakturaren fotokopia.
- Fakturaren ordainagiria.

Dokumentazioa Bortzirieta Euskara Mankomunitatean (Herriko Plaza 7, 2. 31790 Arantzua) aurkeztu behar dute, edo Herri Administrazioen Araubide Juridikoaren eta Administrazio Prozedura Erkidearen Legearen 38. artikulua aurreikusitako edozein lekutan.

5. Aurkeztutako eskabidean egindako okerrak zuzentzea. Eskatzaileak aurkeztutako dokumentazioan okerrik dagoela edo agiriren bat falta dela ikusten bada, hamar egun emanen zaizkio akatsak zuzentzeko edo agiriak osatzeko. Epe hori igaro eta akatsa zuzendu edo agiriak osatu ez badira, eskatzaileak eskaeran atzera egin duela ulertuko da.

6. Ebazpena. Deialdi honetako dirulaguntzak mankomunitateko lehendakariak ebatziko ditu, euskara teknikariaren txostena ikusita. Ebazpen hori interesatu guztiei jakinaraziko zaie.

7. Dirulaguntzaren zenbatekoa. Baldintzak betetzen dituen eskatzaile bakoitzak jasoko duen dirulaguntza 45,50 eurokoa izanen da; hau da, Bai Euskarari Elkarrean ziurtagiriarengatik ezarria duen oinarritzko prezioaren % 50.

Halere, eskaera guztiak batu eta mankomunitatearen 2023ko aurrekontuetan kontzeptu honetarako aurreikusi den diru esleipena gainditzen badute, diru esleipen hori eskatzaile guztien artean banatuko da, modu berdinean.

8. Dirulaguntzaren ordainketa. Dirulaguntza ordainketa bakarrean ordainduko da, interesatuak eskaera orrian zehaztutako kontu korrante zenbakira eginiko banku transferentzia bidez.

9. Datuen babesa. Eskatzaileen datuak abenduaren 5eko 3/2018 Lege Organikoan ezarritakoaren arabera babestuko dira.

Datu Pertsonalak Babesteko Arautegia beterik, eskatzaileari jakinarazi nahi zaio bere datu pertsonalak Bortziritako Euskara Mankomunitatearen fitxategietan jasoko direla eskatutako zerbitzuak kudeatzeko eta mankomunitatearen berezko eginkizun legalak burutzeko. Interesdunak kontrakorik adierazten ez badu, datuak epe zehatzik gabe kontserbatuta izaten ahal dira.

Zerbitzua gauzatzeko beharrezkoa denean edo/eta legediak horrela agintzen duenean bere datuak Bortziritako Euskara Mankomunitateko sail desberdinei, Nafarroako Gobernuari, eta mankomunitatearekin harremana duten bertze erakundeei, bai publikoak, bai pribatuak, komunikatuak izaten ahal dira.

Mankomunitateak ematen duen zerbitzua edo/eta dokumentu hau onartzeak erran nahi du eskatzaileak onespina eta baimen zehatza ematen duela, adierazitako helburuen baitan, bere datuak tratatzeko eta komunikatzeko. Bere esku dago sarbide, zuzenketa, ezeztapen eta aurkaritza eskubideak erabiltzea. Era berean, emandako baimena edonoiz ezeztatzen ahal du, baita gai honi buruzko bertze eskariren bat egin ere. Horretarako Tratamenduaren Erantzulearengana jo beharko du, helbide honetara: Bortziritako Euskara Mankomunitatea, Herriko Plaza 7, 2. 31790 Arantza (Nafarroa) edo posta elektronikoko honen bitartez: euskara@bortziriak.eus. Eskatzaileak, eskariari emandako erabakiarekin ados ez badago edo erreklamazio bat jarri nahi badu, kontrol aginte eskudunera jotzen ahal du, kasu honetan, Datuak Babesteko Bulegoa (www.agpd.es).

10. Auzibidea. Deialdi honetan aurreikusten ez den orotarako Administrazioari buruzko uztailaren 2ko 6/1990 Foru Legea eta Dirulaguntzei buruzko azaroaren 17ko 38/2003 Legea aplikatuko dira.

11. Errekurtsoak. Deialdi honen aurka, baita oinarri hauen aurka eta haiek betearazteko hartzen diren administrazio ebazpenen aurka ere, errekurtso hauetako edozein aurkezten ahalko da, aukeran:

- a) Berraztertzeako errekurtsoa, administrazio egintzaren organo egileari zuzendua, hilabeteko epean, errekurritzen den egintza jakinarazi edo argitaratu eta biharamunetik hasita.
- b) Goiti jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratzen denetik aitzina.
- c) Administrazioarekiko auzi errekurtsoa, administrazioarekiko auzien Epaitegiari zuzendua, bi hilabeteko epean. Errekurritzen den egintza jakinarazi edo argitaratu eta biharamunearan hasiko da epe hori.

Arantzan, 2023ko otsailaren 2an
Mankomunitateko lehendakaria
Leire Mitxelena Gamio

**Bortziritan Bai Euskarari Ziurtagiria duten eragileei dirulaguntzak:
eskaera orria**

 **Eskatzaileari buruzko datuak**

Enpresa/Elkartea	
Arduraduna	
Helbidea	
P.K.-Herria	
Telefono zenbakia	
E-posta	
Bankuko kontuaren zenbakia	IBAN _____

 **Azalpena**

- Bai Euskarari Ziurtagiria eskuratu dugu.
- Ziurtagiri horrengatik dagokiguna ordaindu diogu Bai Euskarari Ziurtagiriaren elkarteari. **Faktura eta ordainagiria bidaltzen ditugu**, eskaera orriarekin batera.
- Bortziritako Euskara Mankomunitateak ziurtagiriaren gastuengatik 45,50 euroko laguntza ematen du, eskaera orri hau 2023ko urriaren 31 baino lehen aurkeztuz gero.
- **IFZ (NIF) txartelaren kopia bidaltzen dugu**, eskaera orri honekin batera.

 **Eskaera**

- Baldintzak betetzen ditugunez gero, mankomunitateak ziurtagiria eskuratzeagatik dagokidan laguntza eman diezagula.

(Herria) _____, 2023ko _____aren ___a

Sinatua,

Bortziritako Euskara Mankomunitateko lehendakaria.-
Herriko Plaza 7, 2.-
31790 Arantza.-